

Broj: 01-14-1747/19
Sarajevo, 23.05.2019. godine

Na osnovu člana 70. stav (1), (3) i (6) a u vezi sa članom 64. stav (1) tačka b) Zakona o javnim nabavkama („Službeni glasnik BiH“, broj: 39/14), člana 20. i 21. Privremenog pravilnika o unutrašnjoj organizaciji Federalnog ministarstva za pitanja boraca i invalida odbrambeno oslobodilačkog rata, broj: 05-34-6506/13 od 20.01.2014. godine, broj: 05-34-4944/14 od 27.11.2014. godine, broj: 05-34-5123/15 od 13.11.2015. godine i broj: 05-34-5588/17 od 28.12.2017. godine i na osnovu preporuke Komisije za provođenje postupka javne nabavke motornih vozila za RVI 100% I grupe u 2019. godini, imenovane rješenjem broj: 01-14-977/19 od 19.03.2019. godine, u postupku javne nabavke putničkih automobila za RVI 100% I grupe u 2019. godini, federalni ministar za pitanja boraca i invalida odbrambeno-oslobodilačkog rata, d o n o s i:

O D L U K U

o izboru najpovoljnijeg ponuđača za nabavku putničkih automobila za RVI 100% I grupe u 2019. godini -otvoreni postupak-

Član I

Prihvata se Preporuka Komisije za javnu nabavku putničkih automobila za RVI 100% I grupe u 2019. godini, broj: 01-14-1104/19-2 od 23.05.2019. godine i ugovor za javnu nabavku putničkih automobila, dodjeljuje:

„Grupi ponuđača „Porsche BH“ d.o.o. Sarajevo - UNA AUTO d.o.o. Bihać, ponuda broj: 01-14-1104-1/19 od 22.05.2019. godine, za ponuđenu cijenu od 2.219,760,00 KM bez PDV i popust od 32,56% odnosno 722.760,00 KM, što konačno iznosi 1.497.000,00 KM bez PDV-a (slovima: jedanmiliončetiristinedevedesetsedamhiljada KM), bez PDV-a, kao najbolje ocijenjena po kriteriju najniža cijena tehnički zadovoljavajuće ponude.

Član II

Prijedlog ugovora o nabavci dostavit će se na potpis izabranom ponuđaču Grupa ponuđača „Porsche BH“ d.o.o. Sarajevo-UNA AUTO d.o.o. Bihać, Bulevar Meše Selimovića 16. Sarajevo, po proteku roka od 15 dana, računajući od dana od kada je ponuđač obaviješten o izboru najpovoljnije ponude.

Član III

Za izvršenje ove odluke zadužuje se i ovlašćuje Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata.

Član IV

Ova odluka objavit će se na web-stranici Ministarstva: www.fmbi.gov.ba, istovremeno sa upućivanjem iste ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

Član V

Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke putničkih automobila za RVI 100% I grupe u 2019. godini, pokrenut je u skladu sa Planom javnih nabavki za 2019. godinu broj: 01-14-779/19 od 04.03.2019. godine-rb nabavke 20 i Odlukom o pokretanju postupka javne nabavke broj: 01-14-1103/19 od 26.03.2019. godine, putem otvorenog postupka-međunarodni tender.

Za provođenje postupka javne nabavke zadužena je Komisija za provođenje postupka javne nabavke motornih vozila za RVI 100% I grupe, u 2019. godini (u daljem tekstu: Komisija), imenovana rješenjem federalnog ministra za pitanja boraca i invalida odbrambeno-oslobodilačkog rata, broj: 01-14-977/19 od 19.03.2019. godine („Službene novine Federacije BiH“, broj: 19/19).

Procijenjena vrijednost javne nabavke putničkih automobila za RVI 100% I grupe bez PDV-a je 1.500.000,00 KM (slovima: jedanmilijonpetstotinhiljada KM), budžetska pozicija 615 200 „Kapitalni transferi pojedincima-automobili za invalide“.

Nakon pokretanja postupka javne nabavke, Komisija je sačinila tendersku dokumentaciju broj: 01-14-1104/19 od 27.03.2019. godine, koja je zajedno sa Obavještenjem o nabavci broj: 746-1-1-8-3-3/19 objavljena na Portalu javnih nabavki, dana 05.04.2019. godine.

Nakon isteka propisanog roka za dostavljanje ponuda, Komisija je u prostorijama federalnog ministarstva održala javno otvaranje ponuda na kojemu je sačinjen zapisnik broj: 01-14-1104/19 od 22.05.2019. godine i evidentirano da je do 15,00 sati dana 22.05.2019. godine, pristigla jedna ponuda Grupe ponuđača „Porsche BH“ d.o.o Sarajevo-Una Auto d.o.o Bihać.

Dana, 22.05.2019. godine, Komisija je izvršila ocjenu pristigle ponude i sačinila zapisnik broj: 01-41-1104/19-1 od 22.05.2019. godine, kojim je konstatovala da ponuda Grupe ponuđača „Porsche BH“ d.o.o Sarajevo-Una Auto d.o.o Bihać u pogledu sadržaja i forme ispunjava uslove postavljene TD i tehničkom specifikacijom, što je utvrđeno i pregledom priložene dokumentacije kojom se dokazuje ispunjavanje ličnih, profesionalnih, ekonomskih i tehničkih uslova koje je postavio ugovorni organ. Istim zapisnikom konstatovano je da je i cijena ponuđenih automobila u okviru postavljenog zahtjeva ugovornog organa, obzirom da ista sa popustom iznosi 1.497.000,00 KM bez PDV-a. Ponuđač je ispunio uslove i u pogledu tražene garancije za ozbiljnost ponude te se obavezao na dostavljanje garancije za dobro izvršenje ugovora ukoliko bude odabran kao

najpovoljniji ponuđač. Uvidom u dostavljeni katalog koji je sačinjavao ponudu, utvrđeno je da ponuđeno vozilo Škoda Octavia Ambition Karavan 1.4. TSI, DSG automatik, ispunjava uslove postavljene tehničkom specifikacijom, kao aneksom 5. TD.

Slijedom navedenoga, Komisija je sačinila Preporuku o izboru najpovoljnijeg ponuđača broj: 01-14-1104/19-2 od 23.05.2019. godine, kojom je federalnom ministru predloženo donošenje odluke i sklapanje ugovora sa Grupom ponuđača „Porsche BH“ d.o.o Sarajevo-Una Auto d.o.o Bihać, kao najpovoljnijem ponuđaču koji je dostavio tehnički zadovoljavajuću ponudu sa najnižom cijenom.

Uzimajući u obzir prethodno navedene činjenice, kao i preporuku Komisije za javnu nabavku putničkih automobila za 2019. godinu, odlučeno je kao u tački I. ove Odluke.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.



MINISTAR

Doc.dr. Salko Bukvarević

Dostavljeno:

1. Ponuđač- ulica Bulevar Meše Selimovića 16, Sarajevo;
2. Komisija
3. a/a